



ԵՐԵՎԱՆԻ ՔԱՂԱՔԱՊԵՏ

ՀՀ, 0015, ք. Երևան, Արգիշտիի 1, հեռ.՝ (+374 11) 514 200, ֆաքս՝ (+374 11) 514 004, էլ. փոստ՝ mayor@yerevan.am

№ 01/50-541174

«07» 12 2017թ.

ՀՀ տարածքային կառավարման և զարգացման
նախարար՝ պարոն Դ.ԼՈՔՅԱՆԻՆ

Հարգելի պարոն Լոքյան

ՀՀ կառավարության 2017 թվականի մայիսի 25-ի նիստի հ.29.6/[407370]-17 (22) արձանագրության 4-րդ կետի կատարման կապակցությամբ հայտնում ենք հետևյալը:

ՀՀ ԿԱ քաղաքաշինության պետական կոմիտեի կողմից ներկայացված՝ Ճարտարապետահատակագծային առաջադրանքներում /նախագծման թույլտվություններում/ շենքերի ճակատների ձևավորման տանիքների, դռների, պատուհանների համամասնությունների և գունային լուծումների վերաբերյալ առանձին տողով պահանջներ ներկայացնելու, ինչպես նաև Երևան քաղաքում բազմաբնակարան բնակելի շենքերի տանիքների վերակառուցման և թեթև կոնստրուկցիաներով բնակելի և գրասենյակային հարկի կառուցման պիլոտային ծրագրի առաջարկները Երևանի քաղաքապետարանի կողմից ընդունելի են և համաձայն ՀՀ կառավարության 12.10.2017թ. հ.1275-Ն որոշման (ՀՀ կառավարության 2015թ. մարտի 19 հ.596-Ն որոշման մեջ փոփոխություններ կատարելու մասին) կառուցապատողներին տրամադրվող նախագծման թույլտվություններում, արդեն իսկ կիրառվում են որոշմամբ սահմանված պահանջները:

ՀՀ ԿԱ քաղաքաշինության պետական կոմիտեի նախագահի 27.10.2017թ. հ. 01/11.1/6543-17 գրությամբ պիլոտային ծրագրի իրականացման նպատակով Երևանի քաղաքապետարան է ներկայացվել բազմաբնակարան բնակելի շենքի տանիքի վերակառուցման և թեթև կոնստրուկցիաներով /այդ թվում՝ նոր տեխնոլոգիաների կիրառմամբ/ բնակելի կամ գրասենյակային հարկի կառուցման կոնկրետ առաջարկ: Ներկա պահին ընթանում են անհրաժեշտ ճարտարապետաշինարարական և իրավական հարցերի հստակեցումներ:

Տեղեկացնում ենք նաև, որ պիլոտային ծրագրի կատարումից հետո միայն հնարավոր կլինի ՀՀ կառավարության աշխատակազմ ներկայացնել Երևան քաղաքում կանոնակարգման կարիք ունեցող շենքերի համար ծրագրի իրականացման ժամանակացույց, իսկ շենքերի և այլ շինությունների արտաքին ճարտարապետական տեսքը փոփոխող հատվածային ձևափոխումները վերացնելու նպատակով միջոցառումները մեկնարկված են, որի 1-ին փուլում շուրջ 60 պատմամշակութային և ճարտարապետական տեսանկյունից արժեք ներկայացնող շենքերի ճակատներից ապամոնտաժվել են տարիների ընթացքում անկանոն տեղադրված գովազդային և տեղեկատվական վահանակները և փոխարենը այդ շենքերի համար մշակվել և հաստատվել են նոր չափորոշիչներին համապատասխան գովազդային վահանակների տեղադիրքերով անձնագրեր:

Նկատի ունենալով, որ ծրագիրը շարունակական է, այն մոտակա տարիներին աստիճանաբար կներառի մայրաքաղաքի բոլոր շենքերը:

Հարգանքով՝

